

Шоядки, такводор бўлсаларингиз

Йигирма бешинчи қисм

«Ва зебу зийнату безакларни ҳам. Буларнинг ҳаммаси хаёти дунёнинг матоҳидан бошқа нарса эмас. Охират эса□ Роббинг наздида такводорлар учундир». (Зухруф сураси, 35-оят)

Агар юкоридаги мулохаза бўлмаганида, Аллох таоло мазкур нарсалардан ташкари ҳам, ўзига куфр келтирганларни зебу зийнату безакларга кўмиб ташлар эди. Аллох таоло ўлчовида, Ислом ўлчовида молу дунё, зебу зийнат ана шундай кадрсиз, ўткинчи нарсадир.

«Буларнинг ҳаммаси хаёти дунёнинг матоҳидан бошқа нарса эмас».

Беш кунлик дунё хаёти тугаши билан ҳаммаси тугайди. Уни кўрган ҳам, кўрмаган ҳам бир бўлади. Хали буларнинг ҳисоб-китобини бериш ҳам бор. Аммо абадий роҳат, хақиқий неъмат диёри бўлган:

«Охират эса□ Роббинг наздида такводорлар учундир».

Биобарин, одамлар такводор бўлиб яшашга ҳаракат қилсинлар.

«Йисо очик-ойдин ҳужжат(мўъжиза)лар билан келган чоғида: «Батаҳқиқ, мен сизга ҳикматни келтирдим ва баъзи сиз ихтилоф қилаётган нарсаларни баён қилиш учун келдим. Бас, Аллохга такво ва менга итоат қилинглр». (Зухруф сураси, 63-оят)

«Бас, Аллохга такво ва менга итоат қилинглр», дедилар.

Аллохга такво қилмаслик оқибатида мазкур ихтилофлар келиб чиққан эди.

Пайгамбарга итоат этмаслик оқибатида мазкур ихтилофлар келиб чиққан эди. Бас, энди у ихтилофларни йигиштириб, Аллохга такво қилинглр ва менга итоат этинглр, ана шунда иш яхши бўлади.

«Ўша кунда такводорлардан бошка дўстлар бир-бирларига душмандир». (*Зухруф сураси, 67-оят*)

Киёмат куни хамма ўз окибатини билгач, гарчи бу дунёда ўзаро якин дўст бўлса хам, бир-бирига душманга айланади. Чунки у дунёда бир-бирларини турли амалларга ундаган дўстларнинг дўзахга тушиб жазо тортишлари аник маълум бўлиб қолади. Ана ўшанда, ёмон билан дўст бўлганига афсусланиб, дўстлар дўстини ёктирмай кўяди. Дўстлар душманга айланади. Бир-бирига маломат қилиб, сени деб шундай бўлди, дейишга ўтади.

Факат такводор дўстларнинг окибати хайрлидир. Чунки уларнинг дўстлиги Аллох учун, такво асосига қурилган эди. У дўстлар доимо яхши амалларни қилган бўладилар. Шунинг учун киёмат куни бирга жаннатга тушадилар ва дўстликлари яна хам ортади. Хамда уларга қуйидагича нидо қилинади:

«Албатта, такводорлар омонлик жойида». (*Духон сураси, 51-оят*)

Яъни такводорлар бу дунёдан у дунёга ўтишда тотган ўлимдан бошка ўлимни тотмайдилар, жаннатда абадий тирик қоладилар. Хамда Аллох таоло уларни дўзах азобидан саклайди.

«Албатта, улар сендан Аллох томонидан бўладиган ҳеч бир нарсани арита олмаслар. Ва, албатта, золимлар бир-бирларига дўстдирлар. Аллох такводорларнинг дўстидир». (*Жосия сураси, 19-оят*)

Яъни, албатта, ўша билмайдиган, ўз хавойи нафси йўлига бошлайдиганларнинг гапига кириб, Аллохнинг айтганидан юз ўгирсанг, улар сендан Аллохнинг ҳеч бир азобини арита олмайдилар. Шунинг учун сен уларнинг айтганига зинхор юрма. Улар билан якин хам бўлма.

«...албатта, золимлар бир-бирларига дўстдирлар.»

Такводор одам ҳеч қачон золим – кофир билан дўст бўлмайди.

«Аллох такводорларнинг дўстидир.»

Бу дўстлик билан ҳар қанча фахрланса арзийди.

Ё Робб, биз хаёти дунё матохини охиратдан устун қўймаймиз, Ўзинга такво қиламиз ва Пайгамбаринг соллалоҳу алайҳи васалламга итоат қиламиз, Ўзинг охиратимизни обод қилгин, бизларни омонда қилгин.

Аллохим, бу дунёда бизларга такводор дўстларни насиб қилгин, зеро Киёматда такводорлардан бошқаси бир-бирларига дўст бўлмаслар. Жаннатда бир-бирини топа

Шоядки такводор бўлсаларингиз (Йигирма бешинчи қисм)

Муаллиф:

05.08.2013 14:53 - Янгиланди 30.06.2017 23:16

олмай колганда, Аллохдан фалончи дўстимни топиб бер, деб истайдиган муттакийлардан қилгин.

Ё Валий, бизларни ҳам Ўзингга дўст бўлишга лойик бандаларингдан қилгин.